

www.BibleForChildren.org

Mataio 8



Urie, narain lapien malonim, na tara la amarikong Iesu Filip ga Natanael, non migana la magiong na taun Kana na provins Galili. Ionama naga ang Iesu tie.



Osagameng gat ties me lesu nameng aime le muong
ga lop am o usingnualap meba maionang ga
parakmeng na uriro magi.



Tara la nera wain, naga ang lesu la ila ailo gare ro,
“Tale gat memaning wain.” Tie, mailo naga ang teip o
ubi gare ro, “Leba mialava meba akosarming paga ba,
akosarming it.”



Tie, maulo Iesu teip o ubi gare ro,
“Miovalang burunam na enbalap.” Ga
maiovalo burunam na miriro gunamur
ma enbalap ga dakmeng maset.



Tie, maulo Iesu, "Miaram noba ga miavim ga mila mialam aun migana la uale me parak." Ga maiaram teip o ubi mirie ga mela maialam aun.



Uriro burunam la betieng ara gare wain ga migana la uale me uriro parak la umero, pa tale mait teip o ubi lagum la maiara iriro wain.

Teip it o ubi la ameit. Ga migana ila uale bo uriro parak la amarikong iriro migana ila magiong.



Ga aulo gare ro, “Kulakuoi! Mirier inamaniap la mime avuot lake wain ila muri. Ga na tara la tapmaio teip ga magaulap papot tara, ga menmeng kirat, Mamo iang parak la ume avuot wain la tale mumuri maset ga ualam maun. Pa nunuo karuk! Nuraia wain ila mumuri pa titot it la nuavia me to.”



Iriro la natauan paga o turupnuabap
la akosarong Iesu. Akosarong na
taun Kana na provins Galili.




Pa iriro paga o turupnuabap, la asinguala
lesu kaguma ga ngangas ang mai.
Ga lop am o usingnualap
la naganmeng ira irie
Karisito.



Urie, tubiat ula Iesu ga uobu na luguan ang Petro, ga ogimaong kogale ang Petro la durieng bo labun o tafa o papamnam neip o.



Are ratmat ga uaria lesu kilan o ga
oiolai tafa ga teiara ga orangaieng
parak ang lesu.




Urie, nabit la namila muabari, teip ga magaulap onim na uriro pianam la man malagimeng mirier teip ga magaulap ganam la memaning tafaiap ga mirie la ame muranama ila kire la ut mana, ga malagimeng ga mumaio ai Iesu. Ga mirier teip ga magaulap ganam la mumaio nebolameng na uriro pianam kagarat ai tabuna a iriro luguan.



Papaluaip ma teip ga magaulap la memanim non ara non ara tafaiap, la mamumuriraong Iesu. Ga makalaong papot ma muranap mila kiram. Ga ameit muranap mila kiram Iesu irie migana o ubi migat ang Morowa. Are ratmat ga okiripong Iesu ties maiong muranap mila kiram ga tale kan uairam meba tiesmeng.



Ga mirier teip ga magaulap la namo man maiabuam kilalap ma ira Iesu. Memani, urio ngangas la iot ira a la ime mamumuriraieng mirier teip ga magaulap la umiat a.



Ga non teip la mumaio na iro luguan la maiavia non migana bo labun ga mumaio ai Iesu. Kilan a ga kiban a irio migana are la uvara ra, ga tale kan puong meba amung.



Ga papaluaip ma teip ga magaulap
la onomein alang, pa miriro nagala
ma teip la tale kan puomeng
meba maiaving migana
ila tafaang ga mela
ai lesu.



Are ratmat ga maiavia ga mela
nakap bo luguan ga meinia na
iriro nap la unama lesu.

Ga avugutmaiara nap
a kalinama ga
akosarmeng
gof.



Ga maiaro iagur ga ovismeng
uriro labun ga meinio labun
me lourup ai lesu.




Magimaong Iesu are la naganmeng migat, ga aulo iriro migana ila tafaong gare ro,
“Kulot, tuvaia am ara kirinimup nuam.”
“Norulo! Tenara ga dusnang ga narang labun nung, ga nala na luguan nuang!”



Urie, tegoong lesu bo non obinam, ga ameuluan lop
am o usingnualap. Mela kabirana o
kin ga teara ifif ula kakanu ga
tegomeng boulup una obinam,
ga namo namila obinam.
Na iriro tara man
duriong lesu.



Tie, maulo Iesu, “Nagan ming la mitara kakapio. Memani ga mitara mirau, a?” Tiesong gare tiro, tie teuara ga obukula ifif ga uriro pirom (boulup). Ga ivara ifif ga maganieng pirom. Lop o usingnualap la mitara turupmaiaba ga man nemarkeng kan, “Teivuo! Iriro irie man migana, a? Tiesong ume pirom ga ifif, ga oliuluan ties ang!”



Morowa la amaning it namurit kulot la unama. Pa mitara naong Morowa me mirier teip ga magaulap ganam onim na kimanam. Are ratmat ga uala iriro narit kulot maun.



Okosarong gare tiro me mirier teip ga
magaulap ganam leba naganmeng
ira a ga ameuluo, tala kan iomeng.
Karuk. Eba omela ninimiap ula
iot maset atatan makin.



Rom 3:23

Memani, bubuo inamaniap ganam la okosarbuong ara kirinim, are ratmat ga tale puobuong meba bunang ga Morowa na pianam ang ula ililakieng.

Rom 6:23

Eva, maun inamaniap la mime okosar kirinim, Morowa la ualot uniap o nuvarap ula iot atatan makin. Pa maun inamaniap la mime maionama ga Iesu Karisito Ila Kakani buang, ualot kamniap agarit, urie ninimiap la iot atatan makin ira a.

Ebraio 9:27

Memani, mirier inamaniap ganam la eba meving at narit tara, ga tubiat eba dushman na ties.



Efeso 2:8,9

Irot ubonuvarap ang Morowa, naganming ira Karisito, ga Morowa la ina milagiong. Urio la tale paga mimi kan la akosarming. Karuk. Ualat Morowa agarit miun. Urio la tale betieng gare uniap o ubi la okosarong non migana. Karuk.

Are ratmat ga karuk kan a migana ba la puong meba ovienang bonim a kan ga amama, “Turuo kan la ubirung maranit ga bettung ila muri maset na irap a Morowa, are ratmat ga ina tolagiong.” Karuk kan migat!

Rom 10:9,10

Tie, leba baisnang na nanam nuo la uakap a lesu irie ila Kakani, ga na dalap nuo la nagannung ira Morowa la ina imua lesu na una, eva eba ina nolagiang Morowa. Memani, na dalap buo la bume nagan ira lesu la uvara ga ina imua Morowa na una, ga buiva Morowa inamaniap mila puvuvum. Are gat to, na nanamup buo bume ovaik nagan buong gare ro, “lesu irie la Kakani”, ga ina bulagiong Morowa.



Ioanes 3:16,17

“Morowa la amaning it namurit kulot la unama. Pa mitara naong Morowa me mirier teip ga magaulap ganam onim na kimanam. Are ratmat ga uala iriro narit kulot maun.

Okosarong gare tiro me mirier teip ga magaulap ganam leba naganmeng ira a ga ameuluo, tala kan iomeng. Karuk. Eba omela ninimiap ula iot maset atatan makin. Morowa la tale kan tosagaong turuo Poi ang me na uro kimanam meba mavuvuorang teip ga magaulap onim na kimanam ga tabum na ties. Karuk. Tosagaong ga muruo meba ina malagirang.



1 Ioanes 5:11-13

Pa urio ties la baisong Morowa me buun: Morowa irie la okosarong alang buong me ninimiap ula iot maset atatan makin. Ga urio ninimiap la betieng na ubi ang Poi ang Morowa la okosarong bo maiogun. Teip ga magaulap la nenanemela ga Poi ang Morowa, mirie la memaning urio ninimiap. Teip ga magaulap la tale nenanemela ga Poi ang Morowa, tale memaning urio ninimiap. Tie, mamirtung miruo tiesiap me miun la mime nagan iro bonim a Poi ang Morowa, are ratmat meba kan mira, miarora ninimiap la maset iot busit.



Mataio 8-9; Marko 1-2, 4; Luka 4, 8; Ioanes 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kuot NT (kto) © 2001, Wycliffe Bible Translators, Inc.
All rights reserved.

<https://live.bible.is/bible/KTOWBT/MAT/1>

©2026 Bible for Children, Inc.

www.M1914.org

www.bibleforchildren.org

